

গণপ্রজাতন্ত্রী বাংলাদেশ সরকার

তথ্য অধিদফতর



আঞ্চলিক তথ্য অফিস, ময়মনসিংহ



সংবাদকক্ষ : ০২-৯৯৬৬৬১৩৭০ E-mail- pidmymensingh@gmail.com, Facebook: Pid Mymensingh

সংবাদ গতিধারা

স্থানীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার
সংখ্যা-৯১/২০২২-২০২৩
ময়মনসিংহ, ০১ জানুয়ারি, রবিবার ২০২৩, ১৭ পৌষ ১৪২৯

আজকের স্থানীয় দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে:

- ০১। 'খ্রিষ্টীয় নববর্ষ-২০২৩' উপলক্ষ্যে রাষ্ট্রপতি ও প্রধানমন্ত্রীর দেশবাসীকে শুভেচ্ছা জ্ঞাপন
- ০২। উন্নত-সমৃদ্ধ স্মার্ট বাংলাদেশ বিনির্মাণে সকলকে ঐক্যবদ্ধ হয়ে কাজ করতে হবে: গৃহায়ন ও গণপূর্ত প্রতিমন্ত্রী
- ০৩। নেত্রকোনার সাহিত্য ও সংস্কৃতির ভান্ডার খুবই সমৃদ্ধ: সংস্কৃতি প্রতিমন্ত্রী
- ০৪। জামালপুরের ইসলামপুরে একাডেমিক ভবন উদ্বোধন করেছেন ধর্ম প্রতিমন্ত্রী
- ০৫। ময়মনসিংহ সিটি কর্পোরেশনের ১৪নং ওয়ার্ডে ২টি সড়ক ও ১টি ড্রেনের নির্মাণকাজ উদ্বোধন করেছেন সিটি মেয়র
- ০৬। ময়মনসিংহের ত্রিশাল প্রেসক্লাবের সদস্য সন্তানদের বৃত্তি প্রদান

০১। 'খ্রিষ্টীয় নববর্ষ-২০২৩' উপলক্ষ্যে রাষ্ট্রপতি ও প্রধানমন্ত্রীর দেশবাসীকে শুভেচ্ছা জ্ঞাপন

'খ্রিষ্টীয় নববর্ষ-২০২৩' উপলক্ষ্যে রাষ্ট্রপতি মো. আবদুল হামিদ এবং প্রধানমন্ত্রী শেখ হাসিনা পৃথক বাণীতে দেশবাসীকে আন্তরিক শুভেচ্ছা ও অভিনন্দন জানিয়েছেন। বাণীতে রাষ্ট্রপতি বলেন, 'নববর্ষ সকলের মাঝে জাগায় প্রাণের নতুন স্পন্দন, নতুন আশা, নতুন সম্ভাবনা। সময়ের চিরায়ত আবর্তনে খ্রিষ্টীয় নববর্ষ আমাদের মাঝে সমাগত।' প্রধানমন্ত্রী তাঁর বাণীতে দেশবাসী এবং প্রবাসী বাঙালিসহ বিশ্ববাসীকে আন্তরিক শুভেচ্ছা জানিয়েছেন। সূত্র: দৈনিক স্বদেশ সংবাদ, দৈনিক স্বজন, দৈনিক ব্রহ্মপুত্র এক্সপ্রেস, দৈনিক ময়মনসিংহ প্রতিদিন, দৈনিক সবুজ, দৈনিক আজকের ময়মনসিংহ, দৈনিক নিউ টাইমস, দৈনিক সকালের দুনিয়া, দৈনিক দিনের পালা, দৈনিক উর্মিবাংলা প্রতিদিন, দৈনিক দিগন্ত বাংলা, দৈনিক জনতার কণ্ঠস্বর।

০২। উন্নত-সমৃদ্ধ স্মার্ট বাংলাদেশ বিনির্মাণে সকলকে ঐক্যবদ্ধ হয়ে কাজ করতে হবে: গৃহায়ন ও গণপূর্ত প্রতিমন্ত্রী

গৃহায়ন ও গণপূর্ত প্রতিমন্ত্রী শরীফ আহমেদ বলেছেন, মাননীয় প্রধানমন্ত্রী জননেত্রী শেখ হাসিনার নেতৃত্বে আগামী ২০৪১ সালের মধ্যে বাংলাদেশ একটি উন্নত সমৃদ্ধ দেশে পরিণত হবে। সেই উন্নত-সমৃদ্ধ স্মার্ট বাংলাদেশ বিনির্মাণে সকলকে ঐক্যবদ্ধ হয়ে কাজ করতে হবে। শনিবার (৩১ ডিসেম্বর) বিকালে ময়মনসিংহ নগরীর সার্কিট হাউজ ময়দানে বিজয়ের মাসের শেষদিনে বঙ্গবন্ধু পরিষদের উদ্যোগে আয়োজিত বিজয় পতাকা সমাবেশে প্রধান অতিথি হিসেবে বক্তব্য প্রদানকালে তিনি একথা বলেন। সূত্র: দৈনিক স্বদেশ সংবাদ, দৈনিক ময়মনসিংহ প্রতিদিন ও দৈনিক দিগন্ত বাংলা।

০৩। নেত্রকোনার সাহিত্য ও সংস্কৃতির ভান্ডার খুবই সমৃদ্ধ: সংস্কৃতি প্রতিমন্ত্রী

সংস্কৃতি প্রতিমন্ত্রী কে এম খালিদ বলেছেন, নেত্রকোনার সাহিত্য ও সংস্কৃতির ভান্ডার খুবই সমৃদ্ধ। নেত্রকোনা জেলার সাংস্কৃতিক চর্চাকে আরো লালন ও বেগবান করার লক্ষ্যে সংস্কৃতি অডিটোরিয়াম অচিরেই নির্মাণ করা হবে। শুব্রবার (৩০ ডিসেম্বর) নেত্রকোনা জেলা প্রশাসনের উদ্যোগে জেলা পাবলিক হলে দুইদিনব্যাপী জেলা সাহিত্য মেলা উপলক্ষ্যে অনুষ্ঠিত আলোচনা সভায় প্রধান অতিথির বক্তৃতায় তিনি এসব কথা বলেন। সূত্র: দৈনিক ব্রহ্মপুত্র এক্সপ্রেস ও দৈনিক নিউ টাইমস।

০৪। জামালপুরের ইসলামপুরে একাডেমিক ভবন উদ্বোধন করেছেন ধর্ম প্রতিমন্ত্রী

শনিবার (৩১ ডিসেম্বর) জামালপুরের ইসলামপুর উপজেলার গোয়ালের চর ইউনিয়নের কুমিরদহ উচ্চ বিদ্যালয়ের ৪ তলা একাডেমিক ভবনের উদ্বোধন করেছেন ধর্ম প্রতিমন্ত্রী ফরিদুল হক খান দুলাল। শিক্ষা প্রকৌশল অধিদপ্তরের বাস্তবায়নে ২ কোটি ৮৮ লাখ টাকা ব্যয়ে নির্মিত ভবনের উদ্বোধনী অনুষ্ঠানে প্রতিমন্ত্রী প্রধান অতিথি হিসেবে বক্তব্য রাখেন। সূত্র: দৈনিক ব্রহ্মপুত্র এক্সপ্রেস।

০৫। ময়মনসিংহ সিটি কর্পোরেশনের ১৪নং ওয়ার্ডে ২টি সড়ক ও ১টি ড্রেনের নির্মাণকাজ উদ্বোধন করেছেন সিটি মেয়র

শনিবার (৩১ ডিসেম্বর) সকালে ময়মনসিংহ সিটি কর্পোরেশনের ১৪নং ওয়ার্ডে ২টি সড়ক ও ১টি ড্রেনের নির্মাণকাজ উদ্বোধন করেছেন সিটি মেয়র মো. ইকরামুল হক টিটু। উদ্বোধনকালে মেয়র বলেন, 'মাননীয় প্রধানমন্ত্রী ময়মনসিংহ সিটি কর্পোরেশনবাসীদের উন্নয়নে ১৬০০ কোটি টাকার প্রকল্প দিয়েছেন। এছাড়া, সড়ক আলোকিতকরণের জন্যেও ৪৯ কোটি টাকার একটি প্রকল্প চলমান আছে।' এসব প্রকল্পের কাজ শেষ হলে নগরী আধুনিক ময়মনসিংহের পথে এগিয়ে যাবে বলে উল্লেখ করেন মেয়র। সূত্র: দৈনিক স্বদেশ সংবাদ, দৈনিক স্বজন, দৈনিক ব্রহ্মপুত্র এক্সপ্রেস, দৈনিক ময়মনসিংহ প্রতিদিন, দৈনিক সবুজ, দৈনিক আজকের ময়মনসিংহ, দৈনিক জাহান, দৈনিক নিউ টাইমস, দৈনিক দিনের পালা, দৈনিক ময়মনসিংহের কাগজ ও দৈনিক দিগন্ত বাংলা।

০৬। ময়মনসিংহের ত্রিশাল প্রেসক্লাবের সদস্য সন্তানদের বৃত্তি প্রদান

ময়মনসিংহের ত্রিশাল প্রেসক্লাবের সদস্য সন্তানদের সাংবাদিক আ.ন.ম ফারুক বৃত্তি-২০২২ প্রদান করা হয়েছে। শনিবার (৩১ ডিসেম্বর) ত্রিশাল উপজেলা পরিষদের রাশেদুজ্জামান কনফারেন্স রুমে ত্রিশাল প্রেসক্লাব আয়োজিত বৃত্তি প্রদান অনুষ্ঠানের উদ্বোধন করেন ময়মনসিংহ-১১, ভালুকা আসনের সংসদ সদস্য কাজিম উদ্দিন আহমেদ ধনু। অনুষ্ঠানে প্রধান অতিথি হিসেবে উপস্থিত ছিলেন সাবেক সংসদ সদস্য ও ত্রিশাল উপজেলা পরিষদের চেয়ারম্যান আব্দুল মতিন সরকার। সূত্র: দৈনিক স্বদেশ সংবাদ, দৈনিক ব্রহ্মপুত্র এক্সপ্রেস, দৈনিক স্বজন, দৈনিক ময়মনসিংহের কাগজ ও দৈনিক দিগন্ত বাংলা।

সম্পাদকীয়

- (ক) **দৈনিক স্বদেশ সংবাদ:** কালের গর্ভ থেকে বিদায় নিয়েছে আরেকটি বছর। সবার মঞ্জল হোক এই প্রত্যাশায় ২০২৩ সালকে স্বাগতম।
- (খ) **দৈনিক সবুজ:** প্রধানমন্ত্রী শেখ হাসিনার বহুমাত্রিক উন্নয়ন মডেলের রূপরেখা বাস্তবায়নের মধ্য দিয়ে বাংলাদেশের যোগাযোগ অবকাঠামো বিশ্বের উন্নত দেশগুলোর কাতারে शामिल হচ্ছে। রাজনৈতিক অর্থনৈতিকসহ সমস্তক্ষেত্রে উন্নয়নে প্রধানমন্ত্রীর এমন দৃঢ় ভূমিকার প্রত্যাশা করে দেশবাসী।
- (গ) **দৈনিক স্বজন, দৈনিক জাহান, দৈনিক নিউ টাইমস, দৈনিক জনতার কণ্ঠস্বর ও দৈনিক উর্মিবাংলা প্রতিদিন:** বাংলাদেশ প্রবেশ করেছে মেট্রো রেলের যুগে। আশা করা যাচ্ছে, মেট্রোরেল রাজধানীতে বসবাসকারী নাগরিকদের প্রতিদিনের জীবনযাত্রায় আনবে আমূল ইতিবাচক পরিবর্তন।
- (ঘ) **আজকের বাংলাদেশ:** শিক্ষার্থীদের হাতে নির্দিষ্ট সময়ে নতুন বই তুলে দেয়া সরকারের একটি চ্যালেঞ্জ, তাতে কোনো সন্দেহ নেই। নতুন শিক্ষাবর্ষের শুরুতেই প্রতিটি শিক্ষার্থীর হাতে নতুন বই পৌঁছানো নিশ্চিত করার মধ্য দিয়ে বই উৎসব সফল হবে, এটাই প্রত্যাশা।

প্রবন্ধ/নিবন্ধ

- ০১। ২০২৩ সাল আশীর্বাদ নাকি অভিশাপের?- ফোরকান উদ্দিন আহাম্মদ (দৈনিক ব্রহ্মপুত্র এক্সপ্রেস)
- ০২। বছর শেষের চমক মেট্রো রেল- এম নজরুল ইসলাম (দৈনিক সবুজ)
- ০৩। পাহাড়ি এলাকার ভূমি ব্যবহার পরিকল্পনা- কবির উদ্দিন (দৈনিক স্বজন, দৈনিক জাহান, দৈনিক নিউ টাইমস, দৈনিক জনতার কণ্ঠস্বর, দৈনিক উর্মিবাংলা প্রতিদিন)
- ০৪। স্মার্ট বাংলাদেশ গড়তে স্মার্ট নেতৃত্ব চাই- আহমেদ আমিনুল ইসলাম (দৈনিক দিনের পালা)

#